

آبونه شرائطی : هریر ایچول
سنه لکی (۴۰۰) آلتی آیلغی
(۲۲۵) ممالک اجنبیه ایچون
سنه لکی (۴۵۰) ، آلتی آیلغی
(۲۵۰) غروشدور.

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولماز .

الکشاف

آدره من تبدیلنده ایریجه
غروش کوندرملیدر .

مکتوبلرک امضالری واضح
واوقوناقلی اولسی و آبونه
مره نومروسی محتوی
بولونسی لازمدور

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندردیکی زمان نهیه
داثر اولدیغی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

بر زمانده علمای حقوقك وظیفه تشریع نامنه یاپیش اولدقلری شیلره مثال اولمق اوزره ذکر ایدیوروز. یوقسه ارباب بصیرته هروقت ایچون مختلف مملکتلرده موضوع احکام قانونیه آره سنده نظر عبرت وامعانی جالب يك چوق شیلر واردر .

بز بوراده حدود و قوانین شرعیه ده مندمج حکم واسراری ایضاح ایتیه لزوم کورمیوروز . حقایقه قارشی کوزلرینی یومان ، قولالترینی طیقایان کیمسه لره قارشی حکمتدن بحثه قالیشمق صافلا کدن باشقه برشی اولمازه چونکه نه سویلنسه بوشدر . اونلر بیلدکلرندن شاشمايه جقلردر . برکزه قبلرلنده قوانین شرعیه قارشی خصومت یرلشمشدر . زمانی مساعده کوردکجه سینهلرلنده کیزله دکاری بغض و عداوتی آغیزلرندن طاشیره جقلردر .

نه غریبدرکه بر زمانلر قوانین شرعیه مك علیهنده اداره کلام ایدنلر اجنبیلر ایکن بو کون مسلمانلق کندی اولادندن بو حقارتلره معروض قالیور . ۱۸۴۴ ده مرتدلر حقنده احکام شرعیه به شدتله اعتراض ایدن انکلتزه سفیری (لورد استراتفورد) ك روحی کیم بیلیر شیجمدی بو تعرضلردن نه قدر شاد اولمقددر ا نه یاپلم ، بو کون مسلمانلق کندی دیارنده غریب قالدی . کندی اولادی اوکا نظر خصومتله باقیور . بوده بر جلوه بشئوند . تاریخ ، بشرک نیجه ضلالتلرینی قید ایتمش ، نیجه آزعین دورلرینی محیفه عبرته یازمشدر ا هدایتدن محروم قالان ملئرک ، فردلرک یرنده بو کون یلرلر آسیور . عجباً اونلرک اوطعنیانلری الوهیتک شان و عظمتنه ذره قدر بر نقیصه ایراث ایدم بیلمش میدر ؟ انسانلرک ضلالتلری ده کندیلرینه عائد اولیور ، هدایتلری ده . یولنی صاپتان ملئرک هویت و موجودیت ملیه لری زوال بولور . هدایتیه مظهر اولان ملئلرده مجد و شرفه صاحبی اولورلر .

اسلامیت کونش کبی در . بوراده غروب لوحه سی عرض ایدرکن اوتده طلوعلر باشلا یور . بز اوندن اوزاقلاشدق اطرافزی ظلمتلر احاطه ایدیور . « یا ایها الذین امنوا من یرتد منکم عن دینه فسوف یأتی الله بقوم یحبهم و یحبونه اذلة علی المؤمنین اعززة علی الکافرین یحبا هدون فی سبیل الله ولا یخافون لومة لائم ذلك فضل الله یؤتیه من یشاء والله واسع علیم . »

مجله حقنده

تدقیقات تاریخیه و تبعات حقوقیه سی چوق اولان عبدالرحمن عادل بك افندی بو هفته اقدام غزته سنده «مجله می ، قودنا بولیونمی ؟» عنوانلی بر مقاله نشر ایتدیلر . مجله نك تحریری زمانته عائد شایان دقت معلوماتی احتوا ایدن فقره لری بر وجه آتی نقل ایدیوروز :

« تنظیمات دورنی عالی پاشا فصلنه کیرنجه مرکز سلطنتده دخی بر قانون مدنی

اغراض و آمال بشریه نك فوقده اوله رق محضاً سعادت انسانیه بی تأمین ایچون وضع اولونمشدر .

بو کون مدنیتك اك یوکسك مرتبه لرینه ترقی ایتیش اولان مختلف اقوام آره سنده موضوع اولان قوانینی تدقیق ایتدیکمز زمان آره لرلنده اولیه مبیانتار بولیوروزکه بو قانونلرک وضعی خصوصنده نه کبی شیلره استناد ایدیلدیکنی ، قواعد عدل و انصافه و مصالح ناسه اوفق اولان اساساته می ، یوقسه هرامتجه کندینه خاص اولان اسبابیه می رعایت ایدیلدیکنی بداهه کوستریور . او اسباب ایسه هر مملکتده سرمایه و نفوذ احسانك تعقیب ایتدکلری سیاسی غایهلردن عبارتدرکه ، پارلامنتولرک ، مجالس اعیانك ، شورای قوانینك موجودیتیه رغماً ، امتلرک عزم و اراده لری او غایهلرک حصول و تحقیق اوکنده بر وضع انقیادکار آلمه محکومدر .

« یکرمنجی عصرک ده موقراسی جریانلرینه کوره تشکل ایتیش حکومتلرک ، قوانین جزائیله لری میاننده نیجه جزالر واردرکه جرم ایله هیچ نسبتلری یوقدر . بو کون علماء حقوقك وظیفه تشریع نامنه یاپیش اولدقلری شیلر صانکه نه در ؟ قوانین موضوعه نك ضعف ، اختلاف ، عدم تناسب ، مصلحت عامیه عدم توافق و - قواعد عدل و انصافه دکل - بر طاقم اساسات سیاسییه ابتنا کبی حالات ایله معلول اولدیننی ادراک و تقدیر ایتک ایچون اوقدر مذق اولیه لزوم یوقدر . بر آز کورور کوزی ، دوشونور قفاسی اولانلر بو حقیایق يك قولایقله ادراک ایدم بیلیرلر .

بو کونك مدنی قانونلری بر تهمت طولایسیله بر انساننی موقتاً و یا مؤبداً زندانلره آتیور . یا بو آدم عائله سی نزدنده عاجز پدر و والده سنك ، دائرة محرمیتنه آلدینی زوجه سنك ، بیچاره یاورولرینك تأمین کفافه کفایت ایدم بیلرک بر شی بر اقامش سه او عائله نك حالی نه اولور ؟

دینه جك که : « حبسندن مقصد ، تأدیب و اصلاح ، یا خود مهمی برائت و یا مجرمیتی تبیین ایدنجه به قدر توقیف دکلیدر ؟ » اولیه ایسه بر منفعت الد ایتک ایچون مضرات عدیده نك احدائی ناصیل تجویز اولونه بیلیر ؟ بر انسانك بو مقصدله لزوم توقیفی تسلیم اولونه بیلیر . لکن ارکان عائله سی تشکیل ایدن بر طاقم بیچارکلك مدار حیات و بقاسی اولان سرمایه سی مصادره به قائل اولمق تسلیم اولونه بیلرک شیلر دئمیدر ؟

واضع قانون اولانلرک هیئت اجتماعیه نك اصلاح حال و شأنه خدمت ایتک زعمیلر وضع ایتدکلری بویله بر قانونك موافق عدالت اولدیننه قائل اولمق هیئت اجتماعیه قارشی صریح بر ظلم و آنك حقوقه تجاوز دکلیدر ؟ بونی مدنیتك اوج بالای تکامله ارتقا ایتدیکی ادعا اولونان بویله

آناطولییه یو کسلی سسار :

استانبولده سبیل الرشاد جهرمه اسلامیه

بر وقتلک بدیعی مفاخر لیهی ، اک عصمتکار تجلیات دینهیی
سینه صموت واصلنده صاقلایان استانبولک بوکون اهلکار آلار
واراده لر قارشیشنده فقر و محزون ، تکامل و تسامحدن متولد اوله رق
دوشمکده اولدینی کرداب فجاعت بزلی هیجان و نفرت رعشالری
آره سنده صارصمقده بولئور .

ظن ایتیه ییکز که آناطولی . بوتون عرفان و عصیت دینه سنک
بر ماوای طیبی و مخلصی اوله رق بیلدیکی عزیز دارالحلافه سنک بوکونکی
وضع سفیل و ذلیلندن مغیر و مشتکی دکدر .

ظن ایتیه ییکز که آناطولی . آلم بر سوزش روحی و فکری ایل
بواصل مامن دینک سوروکلندیکی غیای انقراض و انهدامی تماشای ایتمه که
مایوس و بدبخت دکدر . قطعاً وابدیاً .

اک صوک عمده حیات و بقا اوله رق طاییدیمز دین نامه ، فضیلت
نامه ، احلاق نامه بوتون صلاحیتکار لسان و اجرا آتک صوصدینی
وقیرانه دینی رحله اله اسلامک مخلصات اساسیه سی ده و هن و تزلزله
اوغرار . آمان یاربی یوز میلونجه اسلامک قبله حیات و حاجاتی اولان
زواللی استانبول بو صورتلامی بوتون جهان توحیدک عصمت و جلادت
دینه سینه رتمثال عزیز اولاجق ؟ بو صورتلامی ناشر دین مینک امر
و وصایاسی حیز حصوله ایصال ایدمک ؟ ههات !

سینور موسولنی بیله بر ملتک ، بر حکومتک بقا و استقلالی آنجق
دین ایله مرادف اولایله جکفی سویلر کن عجبا زیمی ، بزم بو وضعیت
خجیه مزیمی اسارت ایتک فضیلت سیاسی سنده بولوندی ؟ عجبا هر کون
ذینسر لکه دوغری آتدیغمز آدیملری می مراد ایدمک بزمه بو طرز اخطاری
افهام ایتدی ؟ یوقسه الی یوم القیام نشر دینه مأمور ایدیلدن بر امت معظمه نک می
مابعد استقلالی توضیح ایتدی ؟ بیله میورم و یالکیز بیله حکم برشی
وارسه اوده بو آلم حالات مؤسفه دن آناطولی نک تیره دیکفی ، بو مخوف
بادره قارشیشنده ایچین ایچین صیرلادیغنی عرض ایتک . بو ، بر اسلام
قادینک فحش و شقه سی آلماسندن ، بر اسلام قادینک حرم قلبه
باصدیره جفی یانجی برار ککله دانس ایتمه سندن ، بر اسلام قادینک تیارو
وبار صحنه لرینه چیقه ق بوتون مقدسات دینه و ملیه سی چیکنه مکدن
متولد بر خسران عظیمک تأثیر جانسوزی آلتنده قیراندیغنی تشریح
ایتکده در .

افدیله ، بو بر اتحاردر . عالم اسلامک رأس عزیز و فضیلتی بالاطالایان
اک مدهش بر ضربه انهدام واضع حلالدر .

جمهوریتی ادوار اولین اسلامیه بکزمه دنلردن ، حضرت فاروق و صدیقک

تدوین و ترتیبی ضرورتی حاصل اولدی . اوزمان فکرلر ایکیه آیرلدی .
بتون بتون غربیللاشمق ایستیه لر مصرده اولدینی کی قود ناپولیونک ترجمه سی
تکلیف ایتدیله . علما صنفی مخالفت ایتدیله . بزده احکام شرعیه نک معاملات
قسمی واردر ، بوقسمی ترجمه و تدوین ایدر ، قانون مدنی اتخاذا ایدرز ، دیدیله .
آرده خیلی مناقشه و مجادله اولدی . نهایت علما صنفی غلبه ایتدی . فقہک
معاملات قسمی ترجمه و تدوین ایدلمک قرار ویرلدی .

صکره ایکنجی بر بحث آچیلدی . اوده مذاهب اربعه دن حنفی ، شافعی ، حنبلی ،
مالکی مذهب لرندن هرمانی برنده احتیاجات عصریه یه موافق احکام بولورسه ق
آنی آلوب درج و تدوین ایدم ، دیدیله . متعصبین علما بورایه ده مخالفت
ایتدیله . بزم مذهبیز مذهب حنفی در ، مذهب حنفی خارچنده هیچ بر قول
و حکم قبول ایدمه یز ، دیدیله . نهایت سلطان عزیزه عرض ایدلدی . اوده
مذهب حنفی نک اک صحیح قوللری اقتباس و جمع اولنسون ، دیدی . « اصح
اقوال احناف » سوزی دستور ترتیب و تدوین اولدی .

جودت پاشانک تحت ریاستنده اجتماع ایدن مجله جمعی باب عالیده
صدارت دائره سنده انعقاد ایدر ، مساعیسه دوام ایلر ایدی . جودت پاشا
مساعیسه دوام ایدم طورسون ، شورای دولت مسئله یه وضع ید ایتدی .
اوراده ده آوروپادان بر قود ناپولیون متخصصی کتیرتم ، مملکته بر قانون مدنی
یادیرتم ، دییه بعض فکرلر در میان ایدلدی . فقط مفید و منیر اولادی .
قرین آبادی عمر حلمی افندی مرحوم دیر ایدی که : مجله یی وجوده کتیرمک
ایچون جودت پاشا چوق امک صرف ایتدی و چوق تکبتره معروض اولدی .
جودت پاشانک کاه حلب و کاه یانیه و الیلکریله طشریه مأموریتی هب مجله یی
وجوده کتیرمسه مانع اولق ایچون اتخاذا ایدلمش تدبیرل ایدی .

مجله نک مقدمه و کتاب الیومی شورای دولتک برنجی سنه انعقادنده
وجوده کتیرلدی و مجلس عمومینک ایکنجی دوره افتتاحیه سی مبدئی اولان
٢٤ محرم ١٢٨٦ پنجه شنبه کونی صدراعظم عالی پاشانک قرائت ایتدیکی نطقده
مذکوردر . سلطان عزیز بونطقه ویردیکی جوابده مجله احکام عدلیه دن
بحث ایدرکن هیچ بر قانون و مسئله حقنده کوسترمدیکی بر شدت عزیمی کوسترمش
و مجله نک دوام و اتمامی اکیداً و مخصوصاً و صورت قطعیه ده تعبیرلریله تنبیه و اخطار
ایلمشدر . بوتنبیه و اخطار دخی اوزمان قود ناپولیون و یا احکام معاملات فقه
مسئله لرینک یک بیوک مناقشه لر استلزام ایتدیکنک دلیدر .

عبدالرحمن عادل بک ، اودورک بعض رجالی حقنده دهها بعض
معلومات ویردکن صوکر . (یانقو و یطینوس) افدینک برسوزینی نقل
ایدیورلر . یانقو و یطینوس افندی دیورمش که :

« مجله نک تدوینی دولت عثمانیه یی یوز سنه ک برترقیدن آلیقویمشدر .
عبدالرحمن عادل بک افندی ده بوکون بو فکرده اولدقلرینی علاوه
ایدیورلر . بزم عبدالرحمن عادل کی مدقق و متتبّع بر ذاتک بو فکرده
اولدیغنی ، طوغریسی ، بوکونه قدر بیلیموردق . ای که شیمدی به قدر
قلبنده طاشیدقلری بر عقده یی اظهاره زمین و زمانی مساعد کوردیلر .
بو خصوصده کی فکرلرینی دیگر بر مقاله ده دهاز یاده ایضاح ایدم جکلرینی
سویلیورلر . بونک ایچون هیچ بر مانع ، هیچ بر قیغو یوقدر . بویله
مدقق و متتبّع بر ذاتک فکرلرندن استفاده ایتک ایسترز . باقلم ، احکام
فقهیه اسلامیه یی احتوا ایدن مجله دولت عثمانیه یی نه صورتله یوز سنه
ترقیدن آلیقویمشدر . امید ایدرز که مشار الیه بزی چوق انتظارده
براقازلر .